

FLAMINGO TIMES

Shtypur në zyrat e shtetit nga nëpunës me ndërgjegje

NUK NA MUNGOJNË SKANDALET

NA MUNGON SISTEMI QË MUND TË SJELLË NDRYSHIM

Kujt i shërben bindja se «të gjithë do të vidhnin» dhe se Shqipëria nuk mund të bëjë pa ta?

Kujt i shërben «të gjithë vjedhin»?

Kjo fjali, në dukje realiste, konsolidohet si mburoja më e fortë e pushtetit. Qeveritari aktual nuk ka nevojë të vërtetojë se është i ndershëm (që duhet të jetë detyra parësore e çdo politikani), por mjafton të na bindë se të tjerët do të ishin po aq (në mos më shumë) të pandershëm. Ky është truku i «së keqes më të vogël»: korrupsioni normalizohet dhe standardi ulet nga shpalosja e vlerave individuale te krahasimi me kundërshtarin.

Standardi nuk është më: «A qeverisi mirë?» Ai është: «A do të ishte tjetri edhe më keq?» Kështu skandalet prodhojnë lodhje, cinizëm, dorëzim dhe jo përgjegjësi.

«Një shtet serioz nuk ndërtohet duke shpresuar se udhëheqësi do të jetë gjithmonë i mirë. Ndërtohet, që edhe një udhëheqës i keq, të mos mundet të bëjë çfarë të dojë.»

Nuk na duhen njerëz të përsosur. Na duhen institucione, mandate të kufizuara, transparencë, media të lira, drejtësi dhe kontroll parlamentar.


Disa prova, i njëjti problem

ZVËRNECI: Kur ligji, toka dhe zonat e mbrojtura bëhen të negociueshme për projektet e botës së errët të kriminit, krijohen dy lloje shteti: një i ngadaltë për qytetarin dhe një i shpejtë për të fortin.

ONKOLOGJIKU: Qytetari paguan taksa, siguri dhe pastaj paguan sërish (nën dorë) kur sëmuret, përndryshe e nxjerrin «për zhelesh» jashtë ose thjesht e lënë të lëngojë në karriget e thyera të spitalit.

UJI: Në shumë zona ende nuk ka ujë 24 orë, edhe kur vjen, asnjëherë nuk konsiderohet i sigurt për t'u pirë. Një familje me katër persona, që blen 8–10 litra ujë në ditë, mund të shpenzojë rreth 6,700–8,400 lekë në muaj vetëm për ujë të pijshëm. Ndërkohë që qeveria synon anëtarësimin në BE deri në vitin 2030, standardet e BE-së kërkojnë që uji i rubinetit të jetë i pastër dhe i sigurt për konsum.

PENSIONET: Sipas Bankës Botërore, pensioni



«Dy rrugët e jetës», nga Kolë Idromeno. Qysh nga themelimi i shtetit shqiptar më 1912, shoqëria jonë qerthullohet rreth njeriut të pazëvendësueshëm; kur do ta tejkalojmë këtë?

mesatar përbën vetëm 32% të pagës kontributive, nivelin më të ulët në rajon. Qindra mijëra pensionistë do të rrezikojnë varfërinë pa mbështetjen financiare të fëmijëve dhe familjeve të tyre. Megjithatë, rritja e pensioneve vazhdon të mos trajtohet si prioritet. Në vend të një zgjidhjeje afatgjatë, në periudha pakënaqësie apo protestash, jepen shpërblime të njëhershme prej 5,000 lekësh, të cilat nuk adresojnë problemin themelor të pensioneve të ulëta.

SHPËRDORIMI: Shqipëria po digjet. Përgjatë muajit gusht janë evidentuar mbi 50 vatra të ndryshme zjarri, 23 prej të cilave janë ende aktive. Ndër zonat më të prekura janë: Qyteti Historik i Krujës, Parku Kombëtar i Lurës, Parku Kombëtar i Dajtit, Parku Natyror i Syrit të Kal-tër, etj.

Temperaturat e larta, era dhe mungesa e mjeteve zjarrfikëse (tokësore dhe ajrore) kanë ndikuar në përhapjen e shpejtë të zjarrit, duke vënë banorët e zonës në rrezik të vërtetë për jetën.

Ndërkohë, qeveria mori gati 4 miliardë lekë të vjetra nga fondi rezervë për koncerte tallavaje. Pretendimi se ky koncert rrit statusin e Shqipërisë në skenën botërore vihet në pikëpyetje edhe nga fakti se koncertet e këngëtarit janë anuluar ose bllokuar në disa vende evropiane për shkak të deklaratave të tij antisemitike dhe raciste.

PARATË DHE VULLNETI GJENDEN KUR PUSHTETI E PRIORITIZON NJË ÇËSHTJE. PENSIONISTËT, TË SËMURËT, FAMILJET, FËMIJËT, ME SA DUKET, NUK JANË NDËR KËTO PRIORITETE.

Rama dhe Berisha, alibia e njëri-tjetrit

Përgjegjësinë për qeverisjen e sotme e ka Edi Rama. Por politikisht, Rama dhe Berisha e mbajnë njëri-tjetrin në qendër të retorikës së tyre.

Rama: «Mund të mos më doni mua, por përndryshe kthehet Berisha.»

Berisha: «Mund të mos më doni mua, por vetëm unë mund ta largoj Ramën.»

Njëri përdor të kaluarën e tjetrit për të shmangur përgjegjësinë për të tashmen.

Tjetri përdor dështimet e qeverisë për të shmangur përgjegjësinë për të kaluarën. Të dy, tok së bashku, ushqejnë një pasion të nxehtë për të mbajtur sa më të shtypur një popull të tërë.

Shqipëria nuk shembet pa ta

Shqipëria ka kaluar një nga diktaturat më të egra në kampin lindor, luftën civile 1997, varfërinë, tërmetin, pandeminë dhe në mënyrë të përsëritur, emigrimin masiv.

Nuk kemi mbijetuar sepse një politikan ishte i pazëvendësueshëm, por sepse

njerëzit e kanë mbajtur vendin në këmbë.

Pensionet vazhdojnë të paguhen. Shkollat, spitalet, bizneset, bashkitë dhe administrata vazhdojnë punën. Integrimi evropian nuk i përket një individi.

Nuk ka shqiptar që sot nuk e di: Shqipërisë jo vetëm që nuk i duhen drejtues të tillë, por në fakt, do të lulëzonte pa ta.

ÇFARË DUHET TË VIJË PAS TYRE?

- Kufizim mandatesh për kryeministrin.
- Zgjedhje reale në parti dhe drejtues të zëvendësueshëm.
- Lista të hapura dhe deputetë që japin llogari një më një tek ata që i kanë zgjedhur.
- Administratë profesionale dhe tendera transparente.
- Drejtësi me të njëjtin standard për të gjithë.

ATA JANË TË PËRKOHSHËM. POPULLI SHQIPTAR MBETET. SHQIPËRIA VAZHDON.

MOS PYET VETËM KUSH VJEN PAS TYRE. PYET VETEN ÇFARË SISTEMI DUHET TË NDËRTOJMË.

NA U BASHKO NË
KËTO PROJEKTE

Flamingo Times
Flamingo Television
Flamingo Dossier
Harta e Protestave
Pulsi i Protestës


Reporterët e Diasporës
Nisma për Referendum
Laboratori i ideve
...

Flamingo
Revolution.eu



flamingorevolution.eu

FJALËKRYQI



- Cili ish-President u arrestua për korrupsion dhe pastrim parash (afëra CEZ-DIA)?
- Cili ish-zv/kryeministër është në arrati për inceneratorët dhe «Buka»?
- Cila ish-zonjë e parë e opozitës u pandeh bashkë me bashkëshortin?
- Cila zv/kryeministre u akuzua për shkelje barazie në tendera?
- Cili ish-kryebashkiak i Durrësit u dënua për shpërdorim detyre?
- Cili deputet u përfshi në dosjen «Toyota Yaris» dhe përgjimet 26/1?

PËRGJIGJET: ILIR META · ARBEN AHMETAJ · MONIKA KRYEMADHI · BELINDA BALLUKU · YANGJUSH DAKO · TAUANT BALLA